

## Cwestiynau Kate

Pam fod cynffon wiwer yn y gors?  
Be' di'r dalennau papur ar y to?  
Pwy roes y draenog yn yr eirin Mair?  
Pam fod corn y trê'n yn dal y giât?  
- Lle gest ti'r lluniau? Callia, Kate...  
- Ond Mam, mae lliwio geiriau yn grêt.

Pwy sy'n clywed anadl yn y simnai?  
A'r ieir yn mwydro yn y daflod?  
Y glaw to sinc yn y piser godro?  
A'r coconyts yn disgyn ar y llwybr troed?  
- Be' sy'n bod ar dy glyw? Clustfeinia, Kate...  
- Ond Mam, mae clywed lluniau'n grêt.

Be' di'r gwddw jirâff sy'n tyfu drwy'r pridd?  
A'r haul aur Mehefin ar ei ben?  
Pwy sy'n gwisgo het pot inc ar Wyl Ddewi?  
A chicio melon dŵr yn y Stadiwm?  
- Paid â malu. Dos i dy wely, Kate.  
- Iawn Mam, achos mae breuddwydio'n grêt.

Ysgol Gynradd Carmel gyda chymorth Myrddin ap Dafydd  
Cae'r Gors: Canolfan Dreftadaeth Kate Roberts, 27/02/08